

YUDA

KALATE YUDA A NGA TILI

Mebatan

(1 Pét 1 :1, 2)

1 Ma Yuda, mboésané Yésus Krist a monyañe Yakobus m'atili ba Zambe a nga loen a ba be nga kaleban amu Yésus Krist : 2 nkoan éngôngol a mvo'é bi bo'o abui e be mia.

Mveane ngul mfa'a ya mbunan

(2 Pet 2)

3 A bôt m'anye'e, m'abo étua avôle ya tili mia ajô fufula nyiane wonan, amu me ne ntindane ya tili mia de, na me lebe ane mi ayiane ve ngul mfa'a ya mbunan ô nga veban e be mimfufub éyoñe jia mfa'a ya biyoñe bise. 4 Amu bôt bevo'o be nga nyin été asoé, ba be nga tiliban melu kôa mfa'a ya mekua mete, bebiasé b'akôñelane mvame Zambe jame bisôk, a b'akate nyô étam a ne Njôô a Nti Yésus Krist wongan.

Zambe a ve bôte melo mekua

5 M'anye'e mi simesane na, akôsabo be nga tu'a kate mia mam mese ma na, Nyi a nga nyii bôt be nga kôlô Egipten, ane a nga su'ulane fe jiane ba be nga to te buni été. 6 Nde fe beéngel be nga bo te ba'ale éto njôane jap, ve be nga viane líi étaba'a jap, mmbe a a ba'ale nka'an e bengôkop ya nnôm éto été, be too vôme ya dibi akekui ntyi'ane mejô ya beta môs ate; 7 Aval ane Sodom a Gômôra a minlam mi nga bômane mie, mmie mi nga ve mibien mfa'a ya mejian avale dada, a tôñe mam ya minsône mife, mi nga bo éve'ela'a aval ane mi nga nyoñe melebe ya nduane kom.

Beye'ele medu'an b'anyoñe minkomekan

8 Avale bôt ete, éyoñ b'ayem biyeyeme biap, b'ave menyôle mvin, b'abiasé bejôô, a kpwe'ele bitôto'o bi bôt. 9 Ve éyoñ évet éngele Mikaél é nga wosane diable, be suñu ajô mbime Môze, a nga bo te zômbô ve nye mekua me ébiasé, ve a nga viane jô na, Nti a komeka'ane wo. 10 Ve bôte ba, b'abiasé mam mese be ne te yem, nde fe, e mam b'ayem ane abialé dap, aval ane betite b'ayeme mam, be nga bo éndamane jab été. 11 Ngo'o be! Amu b'awulu zene Kain, amu nyoñane meya'an nde be nga ku e medu'ane me Balaam, nalé be nga jañ e mboane melo Koré été. 12 Bana be ne bizezam bi bôt e mebô'ô bidi menen été, éyoñ be ne te ko woñ ya bo bindaman fufulu, b'atôñ ve bebien; minkut mi ne teke'e mendim, mmie mi ake mi abe'eban a bivuñulu; bilé bi ne teke'e bibuma e mekui me ésep, bi bi ne miñwuan biyoñe bebaé, bi bi maneya nyu'ubane e si; 13 minyôyo'o mintyôa mi mañ, mi mi akuli avule ya ôsone viap, ateté e nga kobe zen, nde évindi dibi ya étôtôlan é nga naaban mfa'a wop nnôm éto.

Nkulan Enok

14 Amu ajô ya mam ma nde fe Enok, môte ya ya miaé zañbwale aso Adam, a nga kulu na, Mi lôô Nti a zu a bizu'u mimfufube bié, 15 na a zu tyí'i bese mejô, a na a zu kpwee bôte bese be ne te ko Zambe woñ a mimboane miap mi ne te ko Zambe woñ, mmie be nga bo mboan ô ne te ko Zambe woñ, a mbia bifia beboabé be ne te mate Zambe be nga bo be kobô'ô asu dé. 16 Bana be ne bekobô menyiñ, beso'o bôt, betôñe mbia minkômbane miap, menyu map m'akobô ve bivuvu'u mejô, b'ase' bôt ve amu b'aye nyoñ mvak.

Nleban

(Kol 2: 6, 7; 2 Tés 3 : 3, 5; 2 Pét 3: 17, 18; Yak 5 : 19, 20)

17 Ve mia, A bôt m'anye'e, mi simesa'ane minkulane mejô mi nga taté jôban a minlôman mi Nti Yésus Krist Wongan; 18 ane be nga jô mia na, biyoñ bi asu'ulan bôt be ne ébiasé b'aye bo, be wulu'u ve aval ane mbia minkômbane miap ya te ko Zambe woñ mi né. 19 Balé be ne bôt b'aye kandé bôt mengam, bôte minsôn, be nji bi Nsisim. 20 Ve mia, a bôte m'anye'e, lôñane miabebien e beta mfufube mbunane wônane yôp; mi ye'ela'an e Mimfufub Nsisism été; 21 mi ba'ala'ane miabebien e nye'ane Zambe été; mi yange'e nkoan éngôngole Nti Yésus Krist wongan akekui ényiñe ya nnôm éto. 22 Mi koane bevo'o ya ba b'asôan éngôngo ; 23 mi nyí'i bevok, mi va'ane bevok e nduan, mi koane bevo'o éngôngol a woñ, mi siñ ja'ane ngômesan é maneya bo mvin amu minsôn.

Ntôtôô

24 Nde e be nyô a ne ngule ya ba'ale mia na mi za ku, a telé mia teke'e bijô ôsu ya étôto'o jé, e mava'a été, 25 e be Zambe étamétam a ne nyii wongan, дума, anen, ngul a éjôé, bi bo'ok ôsusua ya éyoñ ése, den a nnôm éto. Amen

Rev. Matthias MEYE
Secrétaire Général 1961.....